

Hao² tok₃ yat₄ tch'ao²

Journal de controverse.

série en 4 tomes

1872.



MAISON MERE DES SOEURS
MISSIONNAIRES DE L'IMMACULÉE-CONCEPTION
2900, CHEMIN SAINTE-CATHERINE
CÔTE-DER-NORD - MONTREAL, P. Q., CANADA.

MAISON MÈRE DES SŒURS
MISSIONNAIRES DE L'IMMACULÉE-CONCEPTION
2900, CHEMIN SAINTE-CATHERINE
CÔTE-DES-NEIGES MONTREAL, P. Q., CANADA

天主降生一千八百七十二年

印
金
鐸
印
抄

上海慈母堂重梓

崇禎庚午春月

思及艾先生

泰西

盤石盧先生

口譯

福唐李九標其香筆記

溫陵張廢明臯

清漳嚴贊化思叅

訂正

晉安陳克寬孔熙

較閱

同邑林一雋用籲

弟 李九功其敘叅定

口鐸日抄小引

泰西諸先生之航海而東也。涉程九萬。歷歲三秋。比入東土。而尺絲半粟。毫無所求于人。獨鐸音遠播。其所醒覺而提命之者。不一而足。嗟夫。是豈炫學問而博聲稱者哉。蓋亦以造物主之真傳。晦蝕已久。而二氏之曲說。浸淫方深。馮生總總。都在洪波浩淼之中。覓一片板隻筏而不可得。故

口銘日批
熟腸不禁。欲爲人世作津梁耳。標不敏。戊
辰秋杪。始得就艾盧二先生執經問道。顧
質性魯鈍。未能頓了。卽間有所得。亦如稷
稷松風。滌煩襟於半晌。不踰時而過耳。卽
空者矣。夫田父之得燕石也。尚什襲藏之。
欽爲至寶。矧崑山之璧。種種見前。乃入寶
山而空手回。何能不爲田父所笑。庚午以
返。其親炙二先生者。多無曠時。或在同堂。

或在燕處。或爲師言之詔我。或爲朋儕之
起予。爰筆所紀。不覺成帙。總之余輩。如駘
鶩策之始前。先生若洪鐘。叩之卽響。茲鐸
音具在。真足令愚者醒。頑者馴。智者見智。
而仁者見仁。小子何心。其敢私爲帳中之
秘也乎。謹揭而傳之。以昭同好。若夫搨管
摛詞。亦僅取通明曉暢。固不問其文之工
拙也。

崇禎四年重光協治之歲日在角福唐後
學其香氏李九標薰沐拜手題



口鐸曰抄敘

口鐸者何、艾靈二先生、傳播聖教、竟
世之洪音也。日抄者何、呴爻李其香
氏、嘗侍式先生側、錄之以惠同好者
也。二先生遠自絕徼、浮海九萬、三易
寒暑、而至中華、捲捲以虛慕天主。卓
處人間、己第首務。斯其淵源之正、願

力之宏。心思之苦。有未易明。告者。世
心拘於舊習。溺於穢樂。曾不能開拓
心胸。馳域外。詔廣之觀。思此生之所
自來。與所自往。甚且認夙作主。岐適
軒轅。覓二呌死。而卒不悟。是固先生
所大痛也。間肴波都从立。舉緇衣之
好。殷造請者。亦繁有焉。然未繹思。

乎。永報失責望乎。目前不于萬有之上。認至尊至靈之主宰。第於牙慧之後。襲太極理氣之霄譚。不以生死大事。參覓究竟之根宗。徒以异心異書。取快弋時之耳目。是何異買櫝而還其珠。自負此一見之奇緣也哉。大抵三代而後。學者多以辭章希務。科名

爲業。又有一切下孝之法。設席方匱梯航。積久認眞。鉗心思力。故于人性。以上。生前死後之大關。存焉不論。焉不詳者。及有一二韶曠之士。欲尋究死生之故。而有所未安。乃二氏之流。復溯其靈誕。不經之說。搗其靈而中之。如飢人思粱肉。而不可得。黠

者授以甘餌而投其鴉毒。反甘之而不覓也。悲夫。悲夫。若諸先生之教。所理以究其原。察物以精其本。脩治以要其實。諸如舌頭假悟。捧喝囉機。舉失亡。妙門之幻境。皆鄙絕以爲不足譚。且其學問淵涵。縱廣無量。卽極穎慧者。未易窺其底裏。間或隨心叩

觸偶寫霧詮而當機片語莫不妙啟
局鑰澈心心髓正如喝人得欵渴驛
逢泉爽快之裏得未曾有獨愧吝嘗
未能廣鑒斯義迥標特解第啟余眇
我之貲所冀贍先生之響更抽繹於
無盡者不無望於高明諸君子也諸
君子試思吾黨中治鉛槧應制科弋

旦需蒸蘶變。或標於常。銘鼎呂。或廣
第宅。飾輿馬。赫焉誇矜其梓里。榮
寵其宗祊者。足為吾生一大究竟乎。
抑靈神本鄉。更自有莊。而斯世爲榮
微福。直轉瞬浮雲。無堪久戀者乎。此
關勘破。剏尺種。悲愴得喪。勝負短
長。舉無足較。而胷中久炭。世境戈矛。

一齊放下。而後妙義滿前。始肯引伸。
不禁者矣。酌滴水而想泉源。焚星火
而傳衆炬。此之性炎。日啟先生之口。
鐸曰宣。其香行且華。不停毫。時無暇。
晷將來之秘笈琅函。其未膏止也。獨
非吾嘗一大快事歟。金玉洪音。請自
今日始矣。雖然先生之鐸者口也。其

所叱鐸者非口也。其香之可得而述者。朱生之口鐸也。其不可得而述者。先生之良鐸。亦心鐸也。口鐸存乎其香之日。抄良也之鐸。存乎否濟之日。省。叱否濟之良也。仰叅先生之型範。是卽勒珉摹本。兩相印合於無盡者也。此際之通功。其香更復叱益我乎。

余羨其香之苦心慕其香之慧力竊
不勝莫助之患而深愧余之不逮也
故忘其鄙拙而僭系之序

林弋雋用籲甫題



口鐸日抄序

聽唉談不知倦。聞正言則惟恐臥。十九然乎。乍聞正言而動退。輒忘焉。十七然乎。有聞必繹。繹而得。斲與人同。如是十可二三乎。心得之。口未必能言之。口言之。手未必能錄之。問何以爲爲。爲嬾故。爲忙故。爲拙故。夫亦人耳。

人一奮。雖嬾必強也。人一恬。雖忙必閒也。人一想。雖拙必無不通也。悠悠忽忽。而曰嬾。曰忙。曰拙。誰授爾此三疾耶。人原無疾。而故自生疾。又或託疾。況為世俗事。嬾亦行。忙亦逐。拙亦管。而曾不得片刻之強。之閒。之通徹。以從事我生之大根原。與夫我生之。

大究竟。嗚呼。是可謂終身不靈者矣。
子思子。勅人戒恐。直嚴湏臾。曾氏日。
省戰兢。至死而後知免。是豈區々爲。
世緣作計哉。千百年來。普世張張其。
無如。得西方先生。提鐸而振焉。人始。
知有大根原。大究竟焉。但於所云三。
疾者。未見其有瘳也。即余侍諸先生。

視閩中諸君子不後亦且自謂能信
不殆曾何所得詮述一二言乎乃今
而始得吾勝友李其香聞艾蠹二先
生口鐸而日抄之也其香一日聞道
遂靜脩三山堂思辨一年等功名于
浮雲視舉子業如弁髦而且理日益
明才日益邁歸而誘化數百人交相

磨厲其德，日俱新。又期追隨二先
生，周旋不暫舍。其抄未有已也。余雖
亦嫗亦忙，亦拙。感其香，亦稍知勉矣。

溫陵張賡識





金
目
指

口鐸日抄凡例

下是集始于庚午之春。歷年所紀。中更係以月日者。竊效編年紀事之例。

一、集中隨問開明。因機誘諭。咸足裨益性靈。充拓學問。雖無連章累牘之詳。悉皆玉屑金霏之妙。
二、集中或談道。或析理。或旁叅度數。爲逐月劄記。故不便別類分編。

一、是集所記。年不數月。月不數日。日不數時。大抵先生逢人敷宣。而所記之候則寡。先生發論明

盡而所記之語未詳。則繇親炙有疎密之殊。與

筆性有敏鈍之異。

一、凡大瞻禮日，先生論道中堂，妙義廣博，爲難于
憶錄，故茲不盡載。

一、辛未以後，諸友多有分錄，郵筒所寄，彙載成書。
雖有芟釐，非同勦說。

一、集中大旨所在，畧加圈點，俾讀者易識指歸。至
中間論議剖析，則各隨賞鑒，未敢標炫。

一、集中答述，凡顯載姓字者，悉皆同道諸友。其尚

未奉教者則不僭書

一各卷目錄、一目只該一則、亦有一目而該數則者、茲凡二則以上、并分註目下、以便詳覽。



日録



日鐸日抄總目

第一卷

自崇禎三年正月

至四年二月

共載二十九日

錄七十一則

第二卷

自崇禎四年四月

至十一月

共載二十七日

錄六十八則

第三卷

自崇禎四年閏十一月

至五年七月

共載二十三日

錄六十三則

第四卷

自崇禎六年二月

至九月

共載二十七日

錄五十四則

第五卷

嗣刻

自崇禎六年十月

至七年六月

共載二十日

錄六十二則

第六卷

嗣刻

自崇禎七年七月

至九年八月

共載二十六日

錄六十九則

第七卷 嗣刻

自崇禎十年正月

至九月

共載三十二日

錄五十七則

第八卷

嗣刻

自崇禎十一年八月

至十三年五月

共載二十日

錄六十則

中華書局總目



口鐸日抄目錄卷之一

論人藉友以明過

見一
張

論書宜熟玩

見一
張

論大信而母少疑

見一
張

論子之予奪恭聽

見二
張

論聖本篤克慾之功

見二
張

喻從教母待

見三
張

答晷刻隨方不同而星家無據

見三
張

論述張子異蹟

見四
張

論晝夜長短隨地不同

見五

述張子幼聰

見六
張

誌天地儀諸圈名

見六
張

論日有二行

見七
張

論地如員球

見七
張

論輿圖度數定南北易東西難

見八
張

論堪輿之妄

見八
張
凡四則

答書宜廣譯

見十
張

論功之首莫大爲

天主而負已之十字架

見十
張

答善終之義

見十
一張

戒世途

見十
一張

答人性皆可爲善而有爲不善之繇

見十
一張

勉立功

見十
二張

喻治家如止渴

見十
二張

答天主爲萬物主不以目不見謂無

見十
二張

述聖像靈蹟

見十
三張

論處橫逆各有其道

見十
三張

論釋道功果之妄

見十
三張

論凡事未能憑心而行

見十
四張

答降生救贖

見十四
張
凡三則

答堪輿陽居亦不足信

見十
六張

論地獄天堂圖像併善惡岐分之圖

見十六
張
凡五則

答地獄靈魂有時出

見十八
張
凡二則

論天主不棄惡人人當仰體

見十
九張

論爲善不圖人知須防微念

見二十
張
凡二則

論天主生人應有富貴貧賤之殊

見二
十張

戒慎言

見二十
一張

論熱心

見二十
二張

論吾

主受難期近當痛自刻責

見二十
二張

論字音多寡之殊

見二十
三張

論惡人悔悟倍受

主憐見二十
三張

論心圖一十八幅

見二十四
幅凡一十九則

答求名

見二十
八張



口鐸日抄卷之一

思及艾先生

泰西

口鐸

盤石盧先生

福唐李九標其香筆記

溫陵張

賡明臯

訂正

清漳嚴贊化思叅

晉安陳克寬孔熙

較閱

同邑林一雋用籲

弟 李九功其敘叅定

崇禎三年庚午余違艾廬二先生斗柄一周矣春正
月晦日以試事抵郡入晉謁時滌罪甫畢適與劉
良弼對語艾先生謂余曰子何言乎人有過不自
知須藉友以發明之如子有眼具見人面而不
能自見其面若人則能見子面矣

先生謂良弼曰向所請書亦時熟玩否對曰方珍
其書而不忍讀也先生曰何爲曰恐汚書耳先生
曰書汚而人潔矣譬之帨巾焉巾污而身潔矣

有頃余述客歲致病之繇與籲祈大主始蒙祐

而終不然之故。先生曰。昔耶穌講道山中。宗徒航海先歸。忽颶風大作。船將沉。耶穌涉海往救之。宗徒伯鐸祿者望見曰。吾主乎。吾將往從焉。耶穌曰。來。伯鐸祿遂躍入水中。其足不沉。徐見波濤噴湧。心忽生疑。遂溺。耶穌絜其手拯之。曰。子何信之淺哉。是之謂大信。不沉少疑。卽溺。吾子得無類是乎。

先生問曰。子見林用籲乎。對曰。用籲近有子喪。憂鬱殊甚。先生曰。昔聖若白有數子。不踰時俱喪。諸

不聞道之人、遂有以此而訾聖教者。若白不爲動。
曰、子原。大主所賜、一憑。大主所收、吾惟恭聽。
主命而已。後若白連舉七子、富貴倍于前。近閱用
籲解惑一書、具見識力。用籲旣著書以解人之惑。
尙其以若白之言自慰乎。

二月六日、瞻禮甫畢、艾先生謂衆曰、今日聖本篤升
天日也。本篤年方壯時、潛修山中、一日慾念忽熾、
苦不能禁。遂赤身入叢棘中、展轉受刺。至遍體流
血、慾念乃止。夫身猶驢馬也、靈魂其主人也。主人

之御驥馬委其轡焉。一任其所之勢必有顛躡之患矣。惟控扼之鞭策之而驥馬始騁乎康莊之途。曾何顛躡之與有。

十有二日文學薛某者久慕聖教特因循而未勇決也。日正中入謁艾先生諄諄誘勸者不一而足。文學遽問曰某某亦已從教否。先生曰有人於此飢而待餉必俟衆來始食斯亦一道也。然俟久不至則必先食如必強待不至者而後食恐終有不得食者矣。其飢寧有已時乎。

十八日將午，二先生步于庭，視壁間所畫羅瑪地圖。艾先生謂余曰：「羅瑪斯時，尙未行彌撒。見本論祭名詳」

愕然曰：「時有不同乎？」先生曰：「有。」余問故，先生曰：

「日輪所照，各有先後，故耳。蓋地如圓球，四面皆人所

居。日輪照之，每東西三十度而隔一時。今四方之

人，各以所居之子午線爲午時，則離此東三十度

者，已爲未；離此而西三十度者，尙爲巳也。」

羅瑪去

中邦百餘度而遙，算此時尙爲寅。故知其彌撒未

行耳。余曰：「信如師言，推之敝邦諸省，卽緬甸之去

吾閩已二十度。今此方午初而緬甸不尙爲已乎。
先生曰。然余曰。夫星家之擇日推命也。以爲普天
之下。同此時耳。今卽王會之內。便已不同若此。彼
星家安所憑以定吉凶乎。先生曰。吾固謂其不足
信也。而世顧惑之何哉。

三月十一日。余復至堂。得一帙。曰彌克兒遺斑。讀之。
知爲溫陵張見伯作也。見伯名識聖。名彌克爾。乃
張令公賡之子。自述其在杭時。病困。籲祈。大主。
忽于床帷有光一道。遞現二十一字。曰憤勘。曰解。

虐曰德鄰。曰白鄉。曰聽簡。曰健盟。曰百繫亦脫。曰三年當受予。且自釋其義。具載篇中。余讀而異之。因請其詳。艾先生曰。是張子十七歲時事也。張子雖妙齡乎。而脩道之心。忻勤真摯。皆高人一等。故其收功倍速。而靈蹟倍奇。余曰。張子在乎。先生曰。去世矣。庶乎升天矣。曰。升天何期乎。先生曰。卽現字之後三年也。昔張子現字時。吾方在杭。張子至堂。備述前事。其所云三年將受予者。意大主將增其慧力。吾已默定爲去世升天之期矣。果于三。

年後是月是日是時親見天主耶穌覺初尚呵責有聖瑪竇及利瑪竇者旁爲轉祈方許登化光天焉斯蓋絕而暫蘇時備告其父若舅者且臨終作書別教會諸友道此行望得安息之所不必以去人世爲憂戚云余聞而悚然者久之夫張子以如許功行尙微于主怒獲祈乃免而况其下者乎日監在茲可畏哉

十有三日將夕余偕王子薦侍先生偶談勤學惜時與晝夜長短之說艾先生曰盧先生在歐邏巴之

北。有時晝極短。而夜極長。余訝而未得其解。先生曰。子毋異也。尚有極北之地。以半年爲晝。半年爲夜者。余益訝之。先生笑曰。昔者徐子嘗聞斯說。深求而不得。吾取簡平儀示之。始了然而去。余請其畧。先生曰。斯地正居北極之下。自春分至秋分。日地上環繞。皆照見北極下之地。故此半年常晝而不夜。自秋分至春分。日地下環繞。皆不及北極下之地。故此半年常夜而不晝。若在南極之下。則反是。今予中邦所載。有日初出蒸羊脾。未熟而日已

入者大都皆極北之地也。余聞而啞然若喪退思。輿圖所畫、微識其解。夫拘儒以目所不見謂無也。孰知以理測之、固鑿鑿可按若斯者乎。

居有間、衆談張彌克之事。子薦問曰：「張令公尚有幾兒乎？」艾先生曰：「令公共有六男、彌克其三也。今其四者亦升天矣。」四男名就、聖名悌尼削。其在杭進教時、纔五歲也。幼而穎異、不讓厥兄。至若虔恭恪守、有老成人所不如者。楊京兆淇園、極憐愛之。一日于聖堂前、京兆問曰：「天主誰生乎？」曰：「聖

母聖母誰生乎。曰天主衆咸服其警敏今借其兄可得天上國張令公方謂亡兒而得兒也。

十四日陳孔熙至堂余述昨晝夜長短之說適艾先生出余復按地圖以質先生曰未足也遂出天地儀示余且縷縷言之余質性魯鈍倉卒未能了了先生曰是烏可一蹴至乎姑先誌儀圈諸名可漸而學矣按天地儀架上一周者爲地平圈以分上下與南北極直者爲子午圈以分東西中半截爲赤道晝夜平圈以分南北赤道上爲晝長圈赤道

下爲晝短圈、晝長圈上爲北極圈、晝短圈下爲南極圈、與赤道斜交、半向北、而上接晝長圈、半向南、而下接晝短圈者爲黃道圈、是卽日所經行處也。其與赤道圈相交過二分者一爲二分圈、一爲二至圈、此其大畧也。若夫推驗運行之法、尙藉師資耳。

有頃盧先生出見余手執天地儀、盧先生笑曰、天
地在手矣。余復就教、先生曰、日有二行、有本天自
行者、有宗動天帶而行者、其自行者自西徂東行

常遲。一日一度。一歲一周天者是也。其爲宗動天
帶而行者。自東徂西。行常速。周天三百六十度。一
日一周天者是也。夫人知日自東出耳。不知日之
自行。則從西出。先儒所謂蟻行磨上者近之。

十五日。盧先生徐步外堂。熟視地圖。余問先生曰。夫
地圖諸體不一。意必有平面者。有半球者。有半面
者。而圓球之象始備。先生曰。是未若製就圓形者。
更爲易覩耳。于時出木地球一枚。大僅盈握。其所
畫與圖無異。但具圓形。則所云四面。皆人所居。足

底相向者。一視而瞭然矣。先生又取天地儀參對。
顧謂余曰。天道常動。而地道常靜。今試取地球以
象地。天儀以象天。考北極之高下。稽太陽之子午。
而東西相距度數之遙。時辰之早晚。因之矣。回思
艾先生所云。斯邦爲午。而大西尙爲寅者。觀斯球
而益信。

盧先生復取圓球。與輿圖較。覺東西度數。微有未
合。先生曰。大地之上。諸邦相錯。定南北易。而東西
難。余問故。先生曰。定南北者。惟測南北極出地幾。

何度。則地勢之高下。纖毫不爽也。而定東西者。必俟之月蝕之日。某邦某時蝕。某邦則某時蝕。或日蝕之日。某邦蝕幾分。某邦則蝕幾分。某邦蝕。某邦則不蝕。會而推之。而地勢相距之遠近。始可定耳。余思。大地廣矣。非測天文以列地勢。則高下遠邇之數。孰從而辨之乎。

十六日。余侍先生偶及堪輿之說。艾先生曰。人之生也。目能視。耳能聽。口能言。手足能持行。而不能庇其子孫。或富且貴。豈旣死之後。目不能視。耳不能

聽口不能言。手足不能持行。而能庇子孫以富貴。
豈不惑哉。且旣朽之骨。并其耳目口鼻手足。而無
之。而謂于數十里之遙。數百年之遠。呼吸可通禍
福。不爽。則又惑之甚者也。

又曰。今堪輿家談風水。必言山從何來。從何去。于
何卓越。于何結聚。沙水如何匯合。如何環抱。然在
江南多山之處。猶得謬張其說。吾嘗過齊魯汴洛
之地。平空一望。曠埶千里。而人之葬其先者。有何
來龍沙水。可辨吉凶。而衰旺興替。種種不同。則何

以說也。

又曰、人之擇吉地、不過爲獲福計耳。乃有過信風水之說、至忿爭鬪訟、連年不解。有骨肉未入土而家已零落、衰替者、是求福而反得禍也。人顧惑之不已、何哉。

又曰、聞中邦昔有達官、惑堪輿之術、求吉地、累年不得。一日于山中、遇一老農、問曰、官人在此胡爲乎、達者具告以故、老農曰、余今年八十餘矣、多見戴紗帽來尋墳、未見其後、卽有戴紗帽來拜墳者、

達者聞言廢然而返。又紹興一孝廉擇地葬其親，
自負必得狀頭，卽堪輿家觀者無不以狀頭期之。
孝廉益自負，比入省試，首場以誤字貼出，大失所
望，竟抑鬱而死。夫過惑于風水之說，究以性命殉
之，夫人之愚一至此哉。

十有九日，諸友請于艾先生曰：願聖教諸書多譯廣
刻，庶闡邪崇正，易爲力耳。先生曰：然，是猶藥肆焉。
諸品咸備，始可隨其病而療之。

廿一日，尋獲十字聖架，日也。艾先生詰余曰：報効吾

主以何者爲首功。余對曰。熟觀諸書。孜孜接人耳。先生曰。是非功之首也。余曰。首功云何。先生曰。未有大于爲天主而負已之十字架者。昔耶穌

之語宗徒。亦惟曰。爾其日日負已之十字架以從我。未及于接人也。夫十字架。有有形者。有無形者。子自入道以來。業已尋得十字架矣。子宜負焉。如不願負而施之。則更重矣。蓋指克已忍耐絕慾諸德也。余唯唯承教。徐又曰。卽負十字架。亦有兩等。有強負者。有欣負者。而欣負之功更大矣。

二十二日諸友欲立善終會請諸艾先生先生曰是不可不知其義也夫善終者豈其獲享壽考老死牖下之謂哉必也靈魂求息止安所焉今人之生命脩短遲速惟主所操吾不知終之何期也然不可不求其善須有備焉而後可以無患矣故善其死者必先求善其生善其生者斯可以善其死者也吾子識之

二十三日艾先生設席招林志伊劉良弼及余有頃篝燈而羣蠻集焉先生曰夫蠻見火光而悅之不

知適以喪其軀。夫世路之爲光也多矣。吾懼其喪子軀也。子勿悅而避之可耳。

時海寇就撫聞復掠海上良弼曰彼惡性素成不可移也先生曰不然人之爲惡也如以歸之性則惡人爲無罪矣譬之火焉火有燎原之勢而火無罪者以火之性然也天主至善豈有賦人惡性之理縱原罪未除詳見本論皆可以爲善特氣稟微有剛柔純駁之殊耳至于善惡之大分者習使然也雖然惡人之良心原自不滅如肯猛醒回頭其爲

功也更倍于善人。譬之二馬並驅，其一調良閑，習御之者不用鞭策，而自適康莊之途。其一蹄嘴不可制，不善騎者必有顛躡之患。如能控御之，喻勒之則亦可馳驟而追及乎良馬。斯其力倍而功多矣。西方有黑人國者，素無君臣父子夫婦之倫。近有會士敷教其地，遂稍稍知義理而別入倫。是亦性可爲善之一証已。

先生問志伊曰：「近亦勉勵立功乎？」志伊遜謝若不敢任。先生曰：「人之處世也，如水中舟，遡流難從下。」

金日批 卷之一
易須勉爲其難者。如不猛力爭上。勢必趨于下流矣。

秋九月廿有二日艾先生責余鄉謝文學邀款偶述其總理家計勞瘁不足之狀先生曰昔有道行而渴者迎流飲之非必盡障江流以充已腹也不過數勺已耳留其餘以俟來者今君之治家也庶幾聊以止渴耳安能盡後人而謀之乎

晦日韓文學問道于先生曰天主之爲萬物主也孰從而見之先生曰心之爲百骸主也又孰從而

見之而百骸莫不聽其使令。不以目之所不見謂無也。矧爲天地萬物之大主者乎。

冬十月三日劉總戎過訪時瞻拜聖像因問曰似乎先生曰此似矣然更有真者昔耶穌在世時有國王仰其聖德欲見無繇密遣畫工圖其像畫工一見耶穌神光逼射不能注目耶穌知之因取帕蒙其面而聖容已宛在帕中矣此帕至今尚存吾未航海時曾親見之鬚眉畢具恍恍如生也。

亭午先生出訪客余偕翁允鑑陪行先生曰昔有三人同行者道遇橫逆一人笑一人喜一人哭其笑者笑其無禮于我也喜者喜增吾之功德也哭者則不見有我哭其自陷于罪也之三人者俱得處橫逆之法然而哭者摯矣

比歸途見有揚幡于道者先生問曰之何爲乎允鑑曰爲亡者建功耳先生笑曰生前無功而待後人建之譬之夜行者前途無燭有人持燭而遠在後其何能濟哉

初五日先生復訪客過謝文學齋頭先生敷宣聖教
不一而足文學唯唯曰余于諸事總憑心而行耳
先生詰曰君聞聖教亦心服否文學曰然先生曰
君旣心服聖教而未肯勇決以從烏在其憑心而
行也文學瞿然曰先生教我矣

十一月朔日艾先生回三山兩閱旬矣余復自家抵
謁問于先生曰教中事理廣大淵深有愈析而愈
無窮者卽如降生救贖此莫大事理也向承師訓
若無可疑矣近與其敘質疑送難復覺有未安者

非師其誰啓之。先生曰。云何。余曰。天主降生爲萬民贖罪是已。敢問所贖之罪爲何罪耶。如世人所造罪惡。吾主盡贖之。則諸惡人皆可免地獄之苦。吾主至公。諒不如是也。先生曰。吾主之爲萬民贖罪也。乃捐一身爲萬民贖罪之價也。價在茲必有取。是價者始得沾救贖之恩。今之七撒格勒孟多。詳見教要正所以取之之路也。若無是。是七矣。地獄之永苦。且加甚焉。譬如有良醫于此。憫世一。吾主縱欲加恩而已。不取其負。吾主也多矣。

之沉疴多方苦勞。積至貴至妙之藥。以廣施萬民。
效可立見。然必人哀籲求之。始可回生起死。如彼
情者疑者。勢將立斃。是非良醫之用。情不摯也。吾
不思所以取之也。

余曰。吾師之教。誠不易之論。然此可爲降生後之
人言。若未降生前之人。當若何。先生曰。吾主降
生。雖在一千六百三十年之前。然當原祖獲罪之
始。詳見龐子遺詮其降生之意。早已明示于人。如救贖之
價。雖未散布人間而已。早備之矣。故自亞黨厄娃

而下代代傳吾主降贖之意。凡發愛望之心者俱可沾吾主大恩。此靈薄諸信者所以得偕吾主同升也。詳見本論

余曰古今萬民必有信望愛三德始沾吾主救贖之恩若彼孩童無知而死者將何處蒙恩耶先生日吾主未降生之前凡孩童八日必奉獻天主行禮而命名焉卽吾主降生第八日亦遵依古禮奉獻于天主罷德肋斯卽蒙恩之路也若已降生後定爲領洗之禮洗滌原罪其蒙恩又

不待言矣。總之古今萬民其升天有路者不專靠自己功德全賴吾主救贖之恩。古聖有云吾主降生之恩更大于化成天地者正謂此也。

初五日林子震出自內堂余迎問曰先生何爲答曰著闡堪輿一書耳余曰堪輿之不足信也亦旣聞命矣然特論陰穴未至于陽居也今有一二名區科第輩出外此則寥寥若晨星意風水所鍾亦或有然者子曷爲我質之子震曰諾有頃謂余曰向以子言問艾先生先生曰聞閩省科名宋末明初

延建邵汀爲盛。今則漸歸泉漳矣。夫延建諸山川。
非有變于昔也。而泉漳亦非有增于今也。顧彼盛
而此衰。此興而彼替。推之天下。莫不皆然。則所云
風水。又安在耶。

越四年辛未春正月二十九日余試于郡時艾先生
有樵川之行獨盧先生在余問先生曰聞吾師有
審判圖可得請而繪乎先生曰無有也別有圖數
幅爲子陳之

則見有一像坐烈焰中蓬頭裸袒口張如箕兩魔

挾之。旁有二小像。亦倒烈焰中。似有展轉。不能堪之狀。先生曰。此地獄之靈魂也。張口者。其叫呼之狀耳。

次見一像。合掌當胸。兩淚下垂。有火環繞之。而不受魔苦。先生曰。此煉獄之靈魂也。合掌者。順受主命耳。

次見一像。冠服咸具。兩目上視。兩手當胸。而和悅之色可掬。先生曰。此天堂之靈魂也。目上視而合掌者。愛慕天主耳。

余曰、觀止乎、先生曰、未也、復出一圖、見有少年人、一天神介其側。一人貌美好、手持酒卮、迎其前。前有總路、階級可登、至中而兩岐焉。右一路、甚濶而多花木。及路盡、則有人蹠而顛、而魔鬼之在下者、伸手接之。俾偕烈焰中。左一路、則甚窄而多荆榛。及路盡、而雲霞環繞。衆天神在焉。余未解其義。先生一一示之曰、少年者、童性未定之人也。介其側者、護守天神也。迎其前者、魔鬼幻爲美悅之色。置鳩毒于酒卮中、以誘之者也。總路者、人幼時善惡。

未分之路也。右路則濶而易行。多花木而可喜。以
譬世人見夫僞樂穢樂而耽之。溺之不勝暢快。究
且與魔鬼爲徒也。左路則窄而難行。多荆榛而可
畏。以譬脩士甘夫世苦。世患而不怨。不尤。不敢退
轉。究且與天神爲伍也。余聞而悚然怖畏。嘵然嘆
想。退而自思曰。地獄如彼其永苦也。煉獄如彼其
暫苦也。天堂之樂非純脩之士。其誰登之。况夫一
人之身。天神護之。魔鬼誘焉。善惡岐分之始。可不慎哉。可不慎哉。

二月二日，余問盧先生曰：人之靈魂，其死入地獄是已。然亦有現相人間者何？先生曰：是有兩說，具載書中，子未之考耳。一則魔鬼計較甚多，諸如建功設醮之類，其有幻現諸相者，皆魔鬼所變弄以誘世入者也。一則地獄中靈魂，天主亦有時暫容其出現，以示靈魂不滅意耳。

余曰：地獄靈魂，業已備嘗。天主諸罰，旣能出現，何不明告世人，力行正道，乃致淪胥及溺耶？先生曰：昔有富人，列鼎具食，乞人辣雜珠者，行善而貧。

呼乞竟日而富人不顧也。後辣雜瑜死而富人繼
死。辣雜瑜之魂得依古聖所居。有大聖人主之。彼
富人則已墮地獄矣。仰見辣雜瑜。遂呼大聖人曰。
我爲獄火燔灼。病渴已甚。幸命辣雜瑜以一指點
水。庶其救我渴乎。聖人曰。向者辣雜瑜呼爾而爾
不應。是爾樂而辣雜瑜苦。今辣雜瑜樂而爾苦。固
其宜耳。富人曰。吾不知有今日故至此。何不命死
者復生。告我之兄弟子孫乎。聖人曰。經典所載。昭
如日星。彼輩多見而不信。縱命人復生。告彼。彼仍

口金日接卷之二
不信也。何以告爲。今天主聖教其入中邦也。雖僅數十年而中邦孔子之訓則已二千餘載矣。夫能力行孔子之訓者。進而聖學當必易易。然誦讀孔子者。朝斯夕斯。未聞身體而力行之也。又何須獄中之魂出而爲彼告也。

初五日瞻禮甫畢。盧先生詔于衆曰。今日經中有云。爾等祈求母徒爲愛我及加恩我者。亦當爲薄我及仇我之人求也。爾不觀天主罷德肋乎。天無私覆也。地無私載也。日月無私炤臨也。初不以善

人惡人而有異也。而且譬之田焉。有善人之田。有惡人之田。雨露滋之。善惡何擇焉。蓋天主愛善人。亦併愛惡人。其不卽加罰者。夫亦徐徐焉冀有去惡返善之日耳。故子等祈求。亦當爲諸罪惡之人。庶幾返善有路。或不受天主之永罰也。是卽以天主之心爲心矣。

又曰。我等學道之人。凡諸善事。須闡然行之。若爲名心所動。昭昭章示于人。則人或贊揚之。推重之。是已獲善報矣。身後何報焉。必也力行善事。不求

人知夫人不知者。天主已知之人世所未報者。
天主必終報之。故今日經言有云。諸凡施捨者。右
手施之。亦不使左手知之也。此之謂也。

又曰。傲爲百罪總名。心太勝。皆傲念也。此邦之人。
大都犯此。姑無論他事。卽如持誦之時。亦有傲念。
竄入者。蓋罪宗有七。皆爲明盜。獨傲爲暗盜。明盜
易禦。暗盜難防。子其慎之。

初八日。姚秉俊聽講。邀余陪坐。盧先生曰。哀矜之行。
最爲要德。彼貧人者富人立功之地也。若世無貧

人則富人欲立功而無從矣。余聞而有觸，因請于先生曰：昔有友嘗問余曰：天主生人，胡爲有富貴貧賤之殊乎？余應曰：大主之生萬物也，有高必有下，有平必有陂。如天地山澤之異位是也。故其生人也亦然。如必盡富而無貧，何名爲富盡貴而無賤？何名爲貴？余當時謬應若此，未知有當否。

先生首肯曰：子言良是。譬之人身焉，莫尊于目，而目司視。莫卑于手足，而手足司持行。如手足必欲如目之視，不願有持行之勞，則誰與司持行者？吾

知其勢不可也。如人必盡富貴而無貧賤。則誰與通功易事者。誰與服役代耕者。此在一家且不可。而况國與天下乎。且人之貧者。又未可怨尤。天主也。天主生人。自有日用之外糧。爲人之罪宗。不肯自克。乃有淫者。貪者。饕者。惰者。馴至于貧而不能自立。至不能自立。而乃咎造物。主之有偏也。豈不悖哉。

十一日。姚秉俊告歸。盧先生語之曰。昔有初學道人。欲入隱脩。會附舟而行。與舟中人語。出言輕脫。殊

無簡默慎重之意。適有會士同在舟中，亦不知其爲學道人也。比登岸偕行，始知之。旣入門，會長問斯人于道若何。會士答曰：「不知。但見如旅舍耳。」余請其解。先生曰：「夫旅舍者，洞開門戶，初不擇人，而恣其出入。以故多有盜竊之虞。若人家則必簡點，關防之矣。今子之返也，尚其慎爾。言焉毋爲旅舍斯可已。」

十二日，瞻禮畢，適天寒甚。盧先生謂衆曰：「今日寒乎？」衆曰：「然。」先生曰：「以內心之熱，禦外身之寒，可矣。然

此非虛語也。人有諸內者必形諸外。如忿懥者氣必盈。愧怍者面必赤。子如有真切之熱心。未有不形現于外者也。

又曰。吾主受難之期將至矣。子等當深思其理。痛自刻責。未可悠悠泛泛。如平時也。譬諸人有愛子。多行不義。有司者治之。其父慮子罹厥刑也。以身代焉。雖備極鞭笞。罔固之苦。亦所不辭。何也。其愛子者摯也。然爲其子者。當父此景。必過自貶損。刻責有加。如仍鮮衣而美食焉。其爲不孝也。滋大

矣。

居有頃。陳孔熙與衆友參較西音。先生曰。中邦字多而音少。其音多同。太西字少而音多。其音多異。故太西雖奧衍之文。一人誦之。衆未有不解者。若中邦則必取而讀之。始盡其義。以字多混音故也。雖然。子等如知音少而字多。尙其多讀書而少出。話。卽孔子不云乎。君子欲訥于言。

二十日。瞻禮甫畢。盧先生語余輩曰。子等知天主之尊嚴。亦知天主之慈悲乎。今日萬日畧經載。

吾主設譬有云昔有富人生二子長者安其生業時順父命少者求析產以自異父勉從之因挾所有蕩遊遠方不數年耗盡矣不勝凍餒乃入爲人奴供豢豕之役卽欲求豕食餘物以充飢餒而不得也于是痛悔逃歸跪父前哀訴曰不肖子蕩父財實無顏見父今爲飢餒逃歸不敢求爲父子得爲父之廝養足矣父憐且喜因命人宰牲宴客以爲樂事其長者自外歸聞之不懌恚曰吾日順父命求一物會客而不可得今不肖弟蕩歸乃宰

牲爲樂乎。父出慰之曰。爾日在吾側。吾物卽爾物也。何分焉。爾弟蕩費于外。吾甚憐之。今日悔而知歸。吾安得不樂哉。吾主之意。以譬善惡之人。天主視之皆子也。其惡者受天主所賜諸恩。乃多行不義。奴于魔鬼。而靈寃無德。不勝餒焉。一旦痛悔來歸。謙卑求宥。尤吾主所憐。而倍愛之者也。予自入中邦。見夫初入教者。如自敘其生平無大過。不大獲罪于天主者。斯其用功也必不力。而蒙恩也亦不深。如有一向沉迷。翻然悔悟。自求赦宥。

之不暇者。則必猛力用功。以補從前之失。宜吾主之倍憐愛之也。

廿一日。余將辭歸。盧先生曰。今日其行乎。吾欲以心相贈耳。余不解。謂是寒暄語也。林子震曰。非也。先生有心圖。盍請觀焉。余喜而請之。圖共一十八幅。各繪一心像。而寓言則別。

其一。畫一心居中。衆人在下。各以兩手捧之。如奉獻狀。先生曰。凡人之入教也。須一心奉獻。天主無論爲賢爲聖。都不外是斯圖也。其群聖賢共獻。

一。心之像乎。

其二則畫一心雖半墮網中有二天神居上復有三人者在下一裸形一持刀兵有猙獰狀一盛飾有張大狀先生曰人只有一心天神護之而三仇誘之之裸形者肉軀也持刀兵而猙獰者邪魔也盛飾而張大者世俗也半墮網中者人日罹三仇之網畢世而不得脫也嗟夫人心若此吾主之啓祐又安能已乎。

其三心有重門如緊閉狀吾主持門環叩之且

金田批卷之一
側耳以聽。先生曰。人。心。錮。閉。深。矣。非。吾。主。其。誰。
啓。之。其。側。耳。以。聽。者。觀。吾。之。應。與。否。也。若。叩。而。
應。將。奈。何。

其四、則心之門已啓。但昏黑甚。吾主入其中。持炬照之。諸虫蛇蝦蟆之屬。種種畢見。先生曰。昏黑者。象心之穢而蒙也。虫蛇蝦蟆者。狀諸邪念也。旣心知有吾主。則吾主必賜以寵光。照見諸邪。自今而後。有不安其所者矣。

其五、畫吾主持。將心中虫蛇蝦蟆諸物。一切

掃之。先生曰。斯止罪之赦也。人旣知入教。則從前種種諸罪。吾主必赦免之。令其自新。

其六。吾主于心中作洒水狀。先生曰。是之謂領聖水。洗之滌之。勿使汚之。斯吾主意乎。

其七。吾主在心中五傷流血。有二天神扶一嬰孩。以血灌之。先生曰。此受難救贖之義也。嬰孩者。人之靈冤耳。夫人雖入教。必藉吾主救贖之恩。濯靈冤而使之潔升天。庶有路乎。

其八。心漸有光明狀。吾主于中端坐。帷幔具設。

先生曰夫人心既啓又得吾主照之掃之灑之濯之自此心日淨瑩而大主臨格之矣。

其九作吾主垂經示訓狀先生曰欲人明理耳理道無窮須講解經書以通之。

其十畫心作四域一死候一審判一地獄一天堂先生曰此四末也人心而常念四末則必倍恐懼脩省善日以增而過日以寡。

其十一作吾主負十字架像諸受難之具種種咸在先生曰吾主之受難原爲吾人人當思。

大主莫大之恩亦負已之十字架以從勿狃安樂。
勿避窘難。其可耳。

其十二、則環心皆花。吾主於心中復加種焉。先生曰。此花名玫瑰。美德之喻也。人旣明理。又常念四末。常負已之十字架。則諸德咸備。故吾主亦賦以聖寵。德且日盛。

其十三、天神于四傍作樂。吾主心中爲之按節。先生曰。工夫至此漸臻樂境矣。

其十四、吾主于心中作樂。天神四傍長歌和之。

先生曰。至此又加暢矣。

其十五。有狂風怒濤之象。而吾主在心中。晏然酣睡。先生曰。世途盡風波也。人心旣有樂境。將舉世群震撼之。固不能攖吾寧也。

其十六。畫吾主彎弓射火箭于心狀。先生曰。人當德行純全。則愈愛慕天上之事。樂與吾主相從。而頓發熱心焉。

其十七。則心中有火。蓬勃上炎。先生曰。至此則心愈熱矣。

其十八則心中及四傍遍畫掌樹而吾主儼然
居上先生曰太西有掌樹壓之則愈伸故戰勝者
必執以表功取克敵之象也人心而至此業已戰
勝三仇得吾主爲依歸非天上國何以有此然
此其大畧耳若欲細繹之雖更僕未易竟也

廿二日謝仲升就試于郡晉謁盧先生偶談功名之事仲升曰諸以功名祈大主者吾主多未之許也先生曰子求功耳不必求名功成而名至矣

日録

元

日録日抄卷之一 終



口鐸日抄目錄卷之二

論欲與要之異

見一
張

答聖架異蹟

見二
張

論人有所繫未能領受

主恩見二
張

凡二則

論天主愛人人宜相愛

見三
張

答太西有萬年不易之曆且不置閏

見三
張

述不娶妾

見四
張

論譯經異蹟

見五
張

論天主之教有三

見五
張

論調心如調琴

見六張

論遠鏡寓義

見九張

論時機不可失其圖有十

見六十一則張凡

論功從勞積

見九張

答性體非故須克其偏

見十張

答克己工夫須克之又克

見十張

答人犯 主命故兩賜不時

見十張凡二則

論 天主初生地獄之意

見十張

論五大洲之人皆 天主所主

見十張

答諸天本動各有遲速

見十
二張

論星圖

見十
三張

答事神失真

見十
三張

答元行只有四

見十
四張

答風所從來

見十
五張

答地震

見十
五張

論

天主示罰宜加脩省

見十
六張

答奉教之人終有依歸

見十
六張

答星不能墜地并解流星之疑

見十
六張

答吉凶皆人自致無關星度

見十七張凡三則

論 天主生物南北不同

見十
八張

論鬼火似是而非

見十九張凡二則

答人壽脩短不繇前生功罪

見二十
十張

論聖號祛魔而魔迺先識

見二十
一張

答 天主降世未嘗離天并及救贖慈旨

見二十
一張凡

則二

答靈魂之賦男女有遲速之殊

見二十
三張

答靈魂爲神體且百歲不衰

見二十三
張凡三則

答月行月一周天而有諸月大小之異

見二十
四張

答天主慈憫聽人自新

見二十五
張凡二則

答富貴貧賤之殊大要之三

見二十
六張

答釋氏悖本罪重餘無足觀

見二十
七張

論宅第美好而非久居

見二十
七張

答娶妾枉道毋得藉口孝名

見二十
八張

答世福甚微善惡可共

見二十
九張

論守身如守城

見二十
九張

論過貴自知尤貴自認

見三十
十張

答始孩能言皆繇魔鬼而無輪迴之事

見三十張凡二則

答釋玄二家總非正路

見三十張

答金星迴環向日中有小球

見三十張

答月天亦有小球驗之月蝕

見三十張

論守貞之方在念死候

見三十張

口鐸口抄卷之二

思及艾先生

泰西

口鐸

盤石盧先生

福唐李九標其香筆記

溫陵張 賢明臯

清漳嚴贊化思叅

訂正

翁鶴齡允鑑

較閱

林雲卿鳴見

同邑

弟 李九功其敘叅補

夏四月朔日艾先生回自樵川已閱月矣余至三山
入謁而二先生具在盧先生徐問曰翁允鑑求領
聖水亦心切否對曰然艾先生曰未也斯只可言
欲而未可言要余曰欲與要有異乎先生曰欲奉
教者徒興慕道之心間有顧慮而未肯勇決耳若
要則必猛力奮斷雖有他慮不遑顧也今彼地獄
之人豈無欲奉教爲善之一念惟其因循不斷致
墮永罰吾方懼允鑑之止于欲也尚其有進焉斯
可已

初三日尋獲十字聖架曰也陳汝調問盧先生曰聞
十字聖架太西諸國各取而分之珍爲至寶未知
然否先生曰然夫十字架者初直刑具耳一經吾
主受難救贖我衆遂無不尊之崇之愛之慕之且
有加之冕旒之上者以故太西諸國將尋到之聖
架各各分之珍爲至寶至今羅瑪一分屢爲人剖
分而並不加小所以然者蓋大主不辜人意欲
使人入盡滿願也設漸削而漸小後之人將何望
焉

初四日其敘隨至三山。携翁允鑑。候二先生書。艾先
生展視未竟。似有咨嗟嘆惜之聲。因謂余曰。讀允
鑑諸書。具見苦情。惜有所繫。未能卽脫也。譬之大
鳥焉。欲展翅高飛。適有線繫其足。線不去。則飛不
高矣。

又曰。敝國有一言。甚有可味。曰。祈求不如領受。余
曰。求之切。即可受矣。曷云不如乎。先生曰。大主
之愛人無已也。尚有不求而予者。豈有求而不予。
由人之誠求雖切。自有隔碍。而未能領受耳。譬之

溺者焉。哀呼求救人憐而手援之。然必其人伸手相接始可遂拯拔之力。否則呼救雖殷承受無自竟至淪胥及溺耳。故曰祈求不如領受也。

初六日瞻禮甫畢盧先生謂衆曰今日經中載宗徒聖若望者年九十餘時諸弟子每遇瞻禮日必扶至中堂談道若望無多言但曰相愛耳數次皆然群弟子請益若望曰子易斯言乎斯固終身行之而不盡者也人若能盡斯言則功成而天國近矣夫聖若望之意以人之愛天主也尤宜盡心于

愛人。如不愛人。必其非愛。天主者也。何也。吾
主之降。生受難也。原爲愛人。如我遇人而不加愛
焉。是不以天主之心爲心。尚得爲愛。天主者
乎。

日將午。余侍艾先生。閱曆法一書。余曰。敝邦之治
曆也。以四時成歲。其有推筭不盡者。則積而爲閏。
聞太西有萬年不易之曆。且不置閏。其說可得而
聞乎。先生曰。治曆有二。一從太陽筭。一從太陰筭。
太陽筭者。以日之躔度爲準。自冬至至明年冬至。

一歲一周天者是也。太陰筭者，則以月之晦朔爲準。月之晦朔不無先後遲速之差。故雖十二月合太陽周天之數，尚不滿十有一日，不得不積其餘者，更爲置閏。此中邦之曆，一年一換，未免有推筭之煩耳。若太西則從太陽筭，太陽之躔度歲歲無差。故總周天三百六十五日，定爲一年。但日之周天，尚有三百六十五日零四分之一，其四分之一，約有三時，則積四年而閏一日。大都遇申子辰之年，則有一日之閏。他年則無之。此所以有一定之

曆得以萬年不換者也。

徐及不娶妾一欵。余告先生曰：敝邦只此一事，疑議滋多。近林用籲歲校得首，諸友之稱賀者，多以娶妾爲言，而用籲弗顧也。先生曰：非直用籲也。昔僉憲王公登壬戌第時，尚未有子。諸賀客以公旣貴，宜置媵侍。多方從臾之。公不聽，且貽書其家人曰：今日登第，皆天主之賜，敢以天主所賜者，而反獲罪于天主乎？觀公斯言，具見欽崇之摯，是皆足以爲法者也。

無何陳孔熙至偶問譯經之事先生曰昔阨入多國有賢王嘗建一大殿藏天下名書且延名士討論聞如德亞國有天主經典特遣使求經國王選七十二名士能通兩國語言者賚經而往賢王賓禮之命譯爲本國文字然慮有和同附會或失經旨也乃分諸譯士作七十二處不令相通逾年而告竣王沐浴升朝大臣咸在命諸譯士宣讀之一一符合不差隻字王大驚悅夫以七十二譯士居處既分心手各別乃一一符合片言不爽斯豈

人力所能爲者乎。神功默啓。恢乎大矣。

初八日。艾先生詔余曰。天主之教有三。子知之乎。對曰。未也。先生曰。天主之愛人無已也。有性教。有書教。有寵教。何也。人類之始生也。天主賦之靈性。俾通明義理。斯時十。誠之理。已刻于人心之中。普萬國皆然。是謂性教。迨物欲漸染。錮蔽日深。于是或明示。或默啓。諸聖賢著爲經典。以醒人心之迷。是爲書教。及至三仇迭攻。人性大壞。雖有經典。亦有難挽回者。天主始降生爲人。以身立表。

教化始大明于四方。是謂寵教之三教者，雖皆天主之恩乎。然而以躬爲教者，摯矣。

日將晡，有數友至堂。盧先生出肅客，徐觀西琴。譁然嘆賞。先生曰：「人心亦有琴焉。善調者其音和，不善調者其音乖矣。雖然，人自有心而人自調之。又非假借外物者比也。」

諸友復請遠鏡。盧先生出示之。其一面視物，雖遠而大。一面視物，雖近而小。觀畢，先生謂余曰：「斯遠鏡者，一面用以觀人，一面用以觀己。」余曰：「云何？」先

卷之二
生曰。視人宜大。而視己宜小。

初九日、余冒雨造堂、盧先生勉余曰、人生斯世、電光石火耳。須及時進脩。時機一失。後不可圖也。有畫數幅、爲子陳之。何如。余欣然請教。先生出書一帙、皆西文之未譯者。間有圖畫、而多寓言。圖約有十幅。先生一一拈示之。

其一。中畫兩人。一人頭戴渾天儀。左持刻漏。而右農器。先生曰。時不可象。畫人以象之。首戴渾天儀者。天運不息。日月云邁也。左持刻漏者。流光漸去。

一往而不可畱也。右持農器者，宜及時而有爲也。
故以之象時。一人首之所戴，手之所持，身之所佩，
足之所履，種種咸具。先生曰：機不可象，亦畫人以
象之。諸物咸備一身者，天下惟乘機之人，能使諸
事畢集也。故以之象機。

其二、畫有十人，時機立其前。一天神以手上指，二
魔介焉。大者以網閉其目，小者持鈎以釣之。先生
曰：畫人十者，約人生之大凡也。天神手上指者，示
以在天之福樂也。時機在前，宜勉圖焉。兩魔妬人

之爲善也。以網閉之。使不得見。以鉤釣之。必其以世情俗味爲餌者也。嗟夫。人生處此。亦危矣哉。

其三。畫數人爲玩戲狀。有戲帶渾天儀者。有戲弄刻漏者。有戲騎農器者。大魔鼓掌。小魔助之。天神則袖手立其前。先生曰。時機有用。若玩戲視之。枉墮魔計耳。天神袖手。奈之何哉。

其四。畫有五人。向時機而執其手。吾主儼然在上。諸天神欲持花冠以賜之。先生曰。之五人者。知時機之不可畱也。而勉以乘之。大主之寵祐。

又焉能已乎。

其五、彼五人者、各執時機一物、若乘而有爲之狀。天神欣悅。小魔伏地。大魔望而逃。先生曰。人能乘時機以有爲。斯固天神之所喜者也。天神樂而魔鬼恚矣。

其六、作時機爲將去狀。有五人者、或扯之挽之。天神亦手招之。先生曰。時機奄忽、不爲人畱。若迨其將去、而思挽回之、未敢必其有濟也。

其七、則時機已去。五人者、或袖手、或遙望。旁有小

魔持網罩雲。大魔鼓掌而笑。先生曰。時機去矣。不可留矣。彼五人者。嗟何及矣。夫持網罩雲者。示雲非網之可留也。時機一失。徒供魔鬼之抑揄耳。其八。畫一獅頭。以狀地獄。張口獠牙。口出火而鼻生煙。二魔用鐵繩繫彼五人。俾入其中。五人相顧。若不欲行。先生曰。時機當前。旣玩于昔地獄之火。旋逼其躬。彼魔鬼者驅之。縱欲不與之偕。將何而脫此難乎。

其九。五人將及火中。俱回首跪向天神。天神以手

上指而吾主在上。二魔則抱頭伏地獄前。鐵繩俱解。先生曰。地獄火逼矣。痛悔求赦庶其有瘳乎。二魔抱頭者。蓋悼前功之不竟也。使非向大主爲依歸。其得脫鬼魔之手者幾希。

其十。畫地獄吐火。有三人在火中。二魔虐之。三人相顧。若無可奈何狀。上則有五人。欣然携手。天神作樂以樂之。先生曰。三人者。地獄之靈魂也。魔鬼悼前功不竟。故虐之以洩其忿。而彼五人者。已陶陶然得天上國矣。余受而反覆其義。思天國地牢。

若是判也。其初只爭勤怠一念耳。乃或升上天。或墮下地。人可不警厥初乎。雖然。卽臨死一刻。猶可挽回。彼鐘鳴漏盡。而尚諱改圖者。獨何心哉。

是歲之春。余鄉新建聖堂。越夏而告竣。秋七月。諸友啓請二先生。迄晦日而艾先生至。先生曰。今日之舉。子等亦幾費心力矣。雖然。爲俗務而鞅掌。徒勞罔功也。惟爲道。則功與勞而俱崇矣。余唯唯謝不敢。先生曰。昔西國聖堂中。有脩道者。供汲水之役。井離堂頗遠。初不辭肄。一日忽自念曰。安得移井。

稍近。吾勞庶稍舒乎。有頃。忽見有人從後數其行
踪。回首問故。其人答曰。我天主之神也。天主命
我數爾步步多者。其功多矣。言畢。不見汲水者方
慚謝。天主若惟恐其井之不遠也。夫汲水微役
也。天主必欲章示于人者。亦示人以功。從勞積
意乎。

頃之衆歸。翁允鑑設饌。余乘間請曰。某人之在會
堂也。亦嘗立微績。所未能克者。獨饕罪耳。先生曰。
子思子有云。率性之謂道。吾將曰。克性之謂道。夫

性體之未壞也。率之卽已是道。乃今人之性。亦盡非其故矣。不克之。又何以成道哉。

八月朔日。林鳴見問曰。七克工夫。用之甚難。固有強制一時。而一發遂不可禦者。先生曰。人性已壞。其發之不能全無偏然。克之又克。終漸至于寡也。譬之土焉。蔓草叢生。吾拔而去之。雖不踰時而復生。然拔之又拔。其有存焉者寡矣。

初三日。俞體高晉謁。用籲陪坐。談及風雲雨露之說。體高曰。大地之產五穀也。必藉雨露滋之。非天則

不成其爲地矣。先生曰。非天主并不成其爲天矣。體高則前請曰。風雨露雷旣皆天主所主。然亦有雨暘不時致五穀不昌者何故。先生曰。天主之愛人也。原欲使雨暘時若五穀咸熙然必人悉順。天主之命而後百物悉順人之意。今人之犯主命也多矣。而欲物之盡順人意也。其可得乎。

用籲曰。雨暘不時。予以罰惡人之罪。斯爲至當。乃亦有善人在其中者。何。先生曰。萬善未備。不爲純。

善。矧今之所謂善人者。其過。讐正復不少耳。雖然。人而真實爲善者。必知上主降罰之意。而倍加恐懼脩省。則雨暘不時。未始非仁愛善人之一道也。

日向午先生談經于堂。揭信經首欵。先生詰余曰。天主之化生天地也。固宜生天堂以待善人矣。乃人類未生。尙未有犯主命者。卽并生地獄也。何意。余對曰。標嘗談經至此。亦起疑思問。但未得其便耳。夫天主之生人也。原賦以可爲之善性。况

人類未生、豈卽逆料其後之爲惡。而豫生地獄以處之。大主至仁、諒不如是也。先生復問用籲。用籲遜謝。先生曰。大主之化生天堂也。原使人欣而知趨。其卽并生地獄也。實使人懼而知避。譬之開國之君。闢殿廷以處百官。卽各設囹圄以待有罪。是豈君人者之不仁哉。欲人明于趨避之路也。乃人甘犯命而自墮焉。柰之何哉。

有頃。用籲慨曰。今世之人。謬迷大本。皆謂奉教之人。悉天主所主。其不奉教者。天主不得而主。

之也。先生曰。人有屬於家主者。逃而之他家。家主不得而主之也。其屬國主者。逃而之他國。卽國主亦不得而主之也。今五大洲之廣。何地非天主之土。則何人非天主之人。縱欲逃之。其將焉所也。悲夫。

漏下初刻。先生露坐于庭。余問曰。日有二行。向聞其義于盧先生矣。近語林君及君及以七政諸天悉爲宗動。天所帶。乃復有遲速之殊者。何故。先生曰。諸天之本動。原各有遲速。其爲宗動。天所帶者。

必俱能一日一周也。卽如日天爲宗，動天所帶。自東徂西，一日一周，而日天必逆行。一度月天爲宗，動天所帶。自東徂西，亦一日一周，而月天必逆行。十三度是日行常遲，月行常速。其爲一日一周者，均耳。宋儒蟻行磨上之說，并可細參也。余曰：磨之一動一周也。其卽宗動天之帶行者乎？而蟻之逆行，則各自有遲速。意日月天之本行似之。先生曰：然。

先生取星圖見惠，余復問曰：五星之躔度次舍，亦

各有留逆遲速之殊。今觀圖中所畫，則似一定而無參錯也。何居？先生曰：斯圖所載，只列宿之同天者。若日月五星諸天，則尙須推算，非圖之所能定。畫者不具載也。卽如金星一星，借日爲光，隨離日輪遠近，亦有弦望消長之殊，如月輪焉。乃星家之占候者，必執明暗小大爲休咎之祥，亦大迂誕而失真者矣。

初八日，鄭懋興問道于先生，石魯可、林鳴見陪坐。懋興曰：諸邪神之不可祀也，則旣聞命矣，敢問各省

直府州縣諸城隍似亦天主所令者。乃一槩不祀之何也。先生曰。天主化成天地之初。卽生九品天神。有司天日月之運行者。有管轄城池而護守人類者。故古來之祀城隍。似亦祀護城之神意也。今人不察。妄以人類當之。遂有云某人死而爲城隍者。某人官某地而爲某城隍者。殆失厥初之真意矣。又其甚者。復有謬造玉皇之說。而謂城隍諸神俱聽其命令。此尤虛誕之至者。是皆所宜深戒者也。

魯可徐問曰、敝邦從古俱說五行、謂萬物非五行
則不成、而貴邦獨說火氣水土四行、乃加氣而遺
金木、何也、先生曰、天地間純體、不藉他物而成者。
謂之元行、火氣水土是也、若金木、則必藉火氣水
土而後成、乃落下一層、而非可與元行並論者、卽
以木証之、今試取一指大之木、以火燒之、先兩頭
出水、是水、後卽成烟、是氣、燒着、是火、成灰、是土、夫
木化亦歸四行、則其藉四行而成、尤可知也、再以
觀之、人身、其煖者爲火、呼吸爲氣、精血爲水、骨肉

爲土、是合火氣水土而成人。並不言金木二行者。
是知元行只有四也。

是日颶風大作、鳴見請曰、敢問風從何來。先生曰、氣動則成風。微動爲涼風、大動則爲暴風矣。頃之衆歸、獨余及從綽侍。余復請曰、向云氣動爲風、其動也奚從乎。先生曰、格物窮理之學、談風所由動、雖更僕未易竟也。約言之、大都水氣騰則爲雨、土氣騰則爲風。蓋土氣之上騰也、有所鬱而不得升。旋返而下降。而後之復騰者、適與降者相觸、遂震。

蕩而成風耳。

從綽問曰、地之震也如之何、先生曰、地中多空。謂之地複。地複有風不得出。排擊蕩衝。而地爲之震。如遇地薄之所。則衝突而出。而地裂矣。余曰、聞地之裂也。有城郭人民俱遭淪沒者。如以歸之風。此亦勢之不得不然者。乃以爲災異何哉。先生曰、百物皆天主所命。地之震裂也。固勢之必然。其有城郭人民俱淪沒者。斯正上主降罰之意。殆恐懼脩省之一助云。

初九日，颶風愈猛，毀瓦拔木，適翁允鑑至堂，偶談寇
陷始興，并地能震裂，淪沒人民之說。先生嘆曰：
天主之于斯人也，無日不保存安養之，而人弗知。
德也。至偶有降罰，便致憾造物。主之有偏，不思
人日日受天主之賜，竟以無功恬然享之。及示
罰之日，又不加恐懼脩省，而怙惡日深，則天主
之降災，又安能免乎。

初十日，林文學過謁，徐問先生曰：「諸友之從聖教也，
其兢兢確守者固多，然亦有一二不率者，豈其盡

無遺行與先生曰大凡奉教之人其大過恒少卽
間有德行未純者尙亦懲改有方蒙赦有路若不
聞道則有過而未必知知而未必改改而未可得
赦也譬之二人同欲北往其一由正道一反而南
向其由正道者豈盡無顛躡之時然更起而力行
終有依歸之所其反向者且不必論安步與不然
終爲迷途曷能至善地乎

十一日先生與林君及坐論于堂適余後至先生謂
余曰聞中邦有星墜之說於理然否余曰向聞斯

說終覺未安也。先生曰：如星能墜地，則從來談星墜者多矣。宜天之星數必加少焉。乃自古及今，並未有滅也。夫何疑？余曰：師論誠是，然每見夏秋之交，有物圓明如星，飛空而燦爛者，俗云流星過度，未知然否。先生曰：此非星也，氣也。時至夏秋之交，有油膩之氣，其浮散空中者，受烈日所晒，遂着火而明，惟一着則俱着，故似有飛度之象耳。

君及問曰：諸星之度數亦主吉凶否？先生曰：否。人之吉凶皆人自致之，無關星度也。中邦經書有云：

作善降之百祥、作不善降之百殃、又云積善之家、必有餘慶、積不善之家、必有餘殃、可見人有吉凶、各隨人之善惡。于星宿何與焉。若諸星之宿離留逆、則俱有一定之準、可推步而知者。謂人之吉凶、係焉、此必無之理也。但星度所主、或有冷熱寒煖之殊、旱潦歉豐之別、則理亦有之耳。

余曰、人類吉凶、固不係乎星度、然倣邦史書所載、如帝王將相之屬、皆上應列宿、故占候家必以定吉凶耳。先生曰、帝星將星、皆隨人各立名色、原非

通論也。卽如貫宿一星、中邦以主牢獄。而西邦則稱爲冕旒。一極凶。一極吉。可見吉凶之名。亦隨人自立。非有定準也。且中邦占候。謂貫宿中有小星。必主大臣繫獄。夫大臣之遭譴呵者衆矣。而貫宿之星。並未有增減也。吉凶將奚憑焉。

余曰。敝邦史書所載。亦多有奇中者。此理云何。先生曰。此偶耳。其不中者尙多也。卽如星相占卜諸術。終日爲人推測。什百之中。豈無一二奇中者。然特偶爾奏合。非有一定之論也。今人乃于虛誕不

合者。通不置頰。堅執一二偶中者。遂相詫爲奇。吾不知其何解也。余曰。丁卯之歲。嘗見熒惑入南斗中。前後閱月。占者妄泥古史。以爲凶兆。始亦疑忌之。今日者。聖明在御。皇圖鞏固。且日升而月恒也。可見熒惑入斗。原天行一定之數。固無關家國吉凶耳。先生曰。然。

十三日。有友來自邑治。適余草設談及百物所產。南北不同之說。先生詰余曰。天主之生萬物也。卽使一方之內。諸品咸備。原無不可。乃此無而彼有。

此多而彼寡也。其意何居。余莫知所對。先生曰。斯
天主欲人相親意也。夫一方之內。諸品咸備。以
造物主之全能。初無不能者。然人足于所需。遂有
彼此不相通者矣。惟其生物不齊。斯有以此之有。
通彼之無。以彼之多。通此之寡。而梯航所至。往來
相親者。職此之由也。

十八日夜幾向丙。余問先生曰。向解流星、云是空中
油膩之氣。詼譯油膩兩字。地上物也。空中何有焉。
先生曰。聞中邦有鬼火之說。未知然否。對曰。鬼火

爲燐。墟墓間多有之。先生曰。鬼火之說近是而非也。蓋人死骨肉歸土。其屍中油膩之氣受烈日所晒。則結而爲燐。故墟墓間多有之。但日間太陽光大。則小光不見。必入夜而始顯耳。若油膩之氣上騰而浮空。則似有流星之象。其實一類也。

余曰。每見燐火倏忽聚散。或隨人而行人多畏之。夫旣爲氣矣。何能隨人而行乎。先生曰。人行。則氣環而前向。故燐火亦隨氣偕前。如人一反向。則氣與俱反。燐火亦隨氣而却走矣。故燐火之隨人。皆

氣之爲也。世人不察，以爲鬼物而疑畏之，亦未明斯理故耳。

二十日，先生駕適邑治，問道者踵相接也。時有數友，向惑輪迴之說，謂人壽脩短皆前生功罪所定者。先生曰：是大不然。夫人壽之脩短，其大約有三：一由父母，一由己，一則由天主也。其由父母者，稟氣有厚薄。由己者，攝生有善否。由天主者，則吾生死之大主，能操其權衡，以增減人之年數者也。譬之燈焉，其油多者光必長，油少者光必促。此稟

氣厚薄之殊也。然油雖多以之當風則易滅。油雖少苟藏之靜處又不虞其易盡。此攝生有善否之異也。至若燈本難滅而或厭其光。燈本易滅而或益之油。則視主人之意耳。故人有宜壽而忽天。宜夭而得壽者。亦惟天主所愛惡而施之。予奪者也。大抵至尊上主多順人之自然。其若此者亦間用以賞罰善惡。顯全能不測之權耳。今人不明此理。乃溺於浮屠之說。謂現世脩短悉由前生之功罪也。豈不悖哉。

邑人陳某者其妻黃氏爲魔所據已二十年矣是月晦日陳友躬詣聖堂痛悔求祐先生賜以聖號而魔且遠徙也陳友喜聖教之正并以聖號經授其妻次夜其妻復見一小魔承大魔命來迎其妻急作聖號小魔遂遁自後絕無影響矣余聞以告先生曰吾嘗遍歷諸國諸凡未聞道者驟語以聖號經而人未遽識也顧人所未識者而魔鬼盡先識之可見聖架者實天主降生救世之具爲鬼魔所極畏者乎且又見鬼魔智識復超出人類之上

人若不向天主爲依歸。其不得脫鬼魔之手也明矣。

九月初八日戴文學入謁。請于先生曰。向讀聖教諸書。如七克十誠論學諸篇。可謂種種妙義矣。然此裏終有未解者。獨降生一節。夫天主之爲天地萬物主是已。當降生爲人。則天上無主。化工不久輟乎。如謂天主仍在天而降生者。另一天主是乎。二天主矣。先生曰。之階前者非日色乎。請問日離天而照地耶。抑天上一日而照臨復一日耶。必

將曰。日光下地。而日固依然在天也。若是又何疑。天主之降生乎。如云降生。而萬物遂無主。則再譬之一國之主。固常臨蒞京師。以統臣民矣。設或一方有變。國主親降其地。而安撫之。豈其一離京師。而一國之臣民。遂無有統馭者乎。夫以人世之主。尚不以降離他方。而失統馭之權。何况全能天主。原無所不在者哉。余嘗著論學一書。其答葉文忠公有云。當其降世。亦在于天。迨及升天。亦不離世者。正謂此也。

文學曰、天主至尊矣。旣云降生、又云受難。豈有堂堂天主、而爲受難被釘之事。余心滋不解也。先生曰。受難被釘。乃天主莫大之恩。非細論經典。未易卒明也。雖然。畧爲君譬之。子讀中邦史書。見成湯之禱于桑林也。剪髮斷爪。身嬰白茅。以爲犧牲。夫以皇皇天子。而匍匐以代犧牲。旁觀者誠作何狀。而湯竟忘其九五之尊者。其憫念斯民者。摯也。今天主尊矣。監觀下民。非不甚赫。乃盡歛其有赫之威。而受難救贖者。爲古今萬民也。爲予。

也。亦。正。爲。君。也。君。乃。忘。其。慈。憫。莫。大。之。恩。而。不。加。
頌。謝。痛。悔。誠。恐。疑。城。不。破。獲。戾。愈。深。尙。熟。思。而。細。
繹。焉。斯。可。已。

初十日王子觀林承孔聽講于堂承孔問曰天主
之賦人靈冤也何時乎先生曰推經典所載男身
賦于結胎四十日內女身賦于八十日之內也承
孔問故先生曰凡人之靈冤必俟其體具而後賦
之男體易成大約在四十日之內女體難成則在
八十日之內故靈冤之賦亦有遲速之殊耳

承孔曰、靈寃之妙、可得而聞乎。先生曰、靈寃之妙、不落形相。蓋純是神體、全在身一也。如全在目以司視、亦全在耳以司聽。全在鼻口以嗅且嘗、亦全在手足以持行也。卽至五官並用之時、斯寃亦全無不在。所以別生覺二寃而稱靈耳。

子觀請曰、靈寃亦有衰憊否。先生曰、肉身有憊、靈寃雖百歲不衰也。試觀人少壯之時、見解主張、反不如老成、更覺練達。可見血氣旺、則靈寃覺弱。血氣衰、則靈寃倍旺。是亦靈寃不衰老之一証已。

子觀曰。靈魂不老。具領妙論矣。乃人自中年以上。
漸昏耄而好忘者。此奚以故。先生曰。此非靈魂之
故也。效用之官不利也。人當壯時。血氣充盛。而五
官之効用者。無不稱職。及老而氣衰。于是耳聾目
曠。記含漸昏。雖靈魂之司令如故。而効用者已漸
遜其初矣。譬之善書者焉。筆領新發。則揮洒從心。
久而頽禿。字畫且頓改也。斯豈善書者有異哉。則
筆之日久而頽禿也。

廿二日。余問先生曰。向承明訓。云月天一日逆行十

三度。林君及以月一月一周天。今云一日十三度。總而計之。周天尚不止也。其義何居。先生曰。月一日行十三度有奇。論月之本行。只二十七日。便足周天之數。爲日一日。亦逆行一度。總計二十七度。故月復多行兩日。方得與日會而成晦朔也。其未盡之數。又積累之而成一日。則月又須行三日。方得與日會而成晦朔。此諸月大小之異。所由分耳。余聞而爽然自失。思學問之道無窮。其未可一得。自足者。大抵如斯乎。

二十三日夏萬程龔雲甫問道于先生、萬程曰、天

主之愛人無已也。亦旣聞命矣。但人生爲不善。死卽受地獄之永苦。旣無輪迴。則人欲自新而無路矣。所云慈憫者。謂何。先生曰。人生在世。多行不義。若天主不慈憫。而輒加重罰。吾恐人無噍類矣。乃至慈。上主必寬以俟之。少不知改。俟其壯壯。不知改。俟其老。其不卽加罰者。蓋徐徐焉。冀有悔過遷善之日耳。夫天主之慈悲若此。人竟至死而不改圖。是爲惡之心無盡。而永苦之期亦無盡。

也。將奚辭焉。

萬程曰。承明訓。具知。上主至仁。然必人皆有壽而後可。若彼爲惡之人。方少壯而輒夭折。若天主曾不寬俟之也。先生曰。大凡人之年壽。與夫人之立志。惟天主具知之。如其人終期已迫。微有悛改之念。卽臨死一刻。天主亦必聽其自新。如其不然。則年數逾增。罪戾逾重。誠不若天札而死。地獄之永苦。尙差輕也。總人生斯世。無論爲壽爲夭。其及時遷改之功。總不容一日緩者。嗟夫。尙其

勉圖哉。

雲甫問曰。人之生也。有富貴貧賤之殊。斯豈人之自致者乎。抑天主之所默定者乎。先生曰。斯其說多端。其大要有三。一則父母之所貽。一則已之所取。一則天主所用以行其賞罰者也。其由父母者。如帝王之子必爲帝。農人之子多爲農。富者生而富。貧者生而貧。斯皆父母之所貽者也。其由已者。如聰穎而能文。多得科第。不能者否。長材而善賣。多致素封。不善者否。斯則已之所取者也。斯

二者。天主多順其自然而默爲張主。其間或用富貴以報人之善。用貧賤以煉人之過。此至尊上主示賞善罰惡之一端耳。雖然富貴以賞善矣。富貴乃立功之地。如爵祿愈崇。縱恣愈甚。富貴未始非禍胎也。貧賤以煉過矣。貧賤正砥礪之資。如困鬱日甚。脩省有加。貧賤未嘗非福始也。總之富貴貧賤不必過視低昂。隨人所遇焉。皆當無違天主之訓者也。譬如俳優場上。生日丑淨。隨人所扮。豈必喋喋焉。尊視生日。而低視丑淨哉。總祈愾

主人之意而已。

二十六日王子觀問曰人疑釋氏旣爲天主所生
且又以慈悲爲教意亦天主所取而可備在天
之一聖否先生曰釋氏旣爲天主所生則當一
心敬事天主以仰答大父之恩且章明十誡
令人人識認真主則天主亦必垂憫而俾之
天堂者也乃釋氏之爲教也迷其本原另立門戶
不導人祇事天主惟以己性爲宗乃云上天下
地惟我獨尊也豈不悖逆之甚哉縱間有微言渺

論而本原既失餘無足觀譬之應制文字華藻滿篇于題旨都不相合其爲主司所黜無疑矣况其言又多訛謬者乎。

冬十月廿有七日余將東粵省覲偕先生同至莆陽時謁卓問卿老師因畱寓西湖亭榭臺沼備諸工好先生謂問卿曰昔西國有寵臣新構宅第壯麗宏敞延一賢士者往觀深居曲房靡所不届矣觀畢將歸賢士問曰今日承召以觀君之居也君之居安在乎寵臣愕然曰向所觀者非是耶賢士曰

是非君之居也。向所觀者寢廟以安宗祊耳。廳事
以延賓客耳。居室以貽子孫。廊廡以俾僮僕耳。而
君安得長處此乎。夫以電光石火之身。而不思久
安長享之所。顧以目前之居謂君居也。豈不惑哉。
寵臣始恍然自失。今明公之華構業。種種宏麗矣。
其亦謀公所謂久居者乎。閭卿嘆曰。此有道之言
也。

十一月二日。先生出訪客。造黃文學齋中。文學曰。承
教十誡。大道炳如矣。然第六誡禁人娶妾。人當中

年無子、不娶妾則恐陷不孝之名、將奈何。先生詰曰、若娶妾而復無子、將奈何。文學曰、至此則亦聽其自然耳。先生曰、若娶妾而無子、亦聽其自然。何如不娶妾而聽其自然之爲愈也。夫娶妻正道也、娶妾枉道也、無論娶妾而未必有子、卽偶得子、所損實多矣。大都人之艱厥嗣者、雖多病在婦、亦有病在夫者。如病在婦、而夫必借孝名、另娶一婦設乎。夫婦一也、旣不可在彼、則亦不可在此。何不平若病在夫、而婦亦借孝名、以另嫁一夫、可乎不可乎。

心而反觀之也。且人之孝不孝，正不係子之有無耳。譬有二人於此，其一多方悖逆，而子孫衆盛；其一朝夕色養，而並未得子。則將曰：孝在彼而不在此也。豈理也哉。

初三日，余問先生曰：人生世福，悉皆上主所操，則子之有無，皆主命也。今娶妻而得子，宜已。若彼娶妾而亦得子，似天主曾不禁之也。此意謂何？先生曰：天主散世福于人間，如富貴子壽之類，其得之也原，欲人人悉由正道，如人求福以正，無論

得與不得。必有永賞隨之。如其求不以正。亦無問。
設人求子。不以道。天主卽禁其不得。初亦無難。
然天主明示人趨正。而人反行邪。則亦何必屑。
屑然。強人于一予一奪之微哉。總世福甚輕而暫。
善惡皆可得共者。天主特默爲定筭其間。若真。
福則非大善者不能矣。

初四日。宋學美至堂。請于先生曰。人之能寡過者鮮矣。乃日處過中。反恬若無過者。爲何。先生曰。省身。

如守城焉。城門洞開。初不加嚴詰。則奸宄竊乘而不覺矣。設若慎啓閉。稽出入。而後奸人可一一數也。今人之五官。非猶城之五門乎。惟不謹守五官之司。宜乎處過而若無耳。如刻刻隄防。時時簡察。則一念一疵。一言一尤。一行一悔。未有不燎若指掌者也。

先生又曰。過貴自知。尤貴自認。今有罪人于此。有司者治之。其自認者罰必重。不自認者罰必輕也。若告解則反是。蓋人有隱慝。天主具知之。如人

明識已愆而匿不自吐是以天主爲可欺也降罰必加重焉若肯痛自刻責告解靡遺則天主必憐赦之而聽其自新矣

日正中彭文學過訪問先生曰聞天學闡輪迴之說未悉其詳也近傳信王府中一孩始生卽自言曰吾乃王某也嘗爲某官居某地胡爲而至此及訪所謂王某者果于是日告殂斯非王某之靈魂輪迴于再世者乎先生曰敢問信府之子其在母腹時活耶死耶曰活耳先生曰此子在母腹

中既云生活則前此九月內靈鬼已自有矣奚得誕時而始有耶夫靈鬼旣自有而王某則依然未死也靈鬼胡爲乎來哉

文學曰若是則始生之孩何能自言乎先生曰斯皆魔鬼之爲也魔鬼欲迷惑人心多乘其意所偏向而誘弄之夫人之惑輪迴者多矣故魔鬼借始生之子弄其舌頭以妄言前世欲人背正而趨邪者也今彼長成之人往往有妄發狂言者人咸知爲魔所附顧獨疑于始生之子也豈不惑哉如信

人之靈寃必有轉世則孩時知之長大宜備知之一孩言之人人宜俱言之夫何以孩時能知至長則否一孩能言至衆則否此又何以說耶大抵此等傳訛多在三代以下佛教入中國之後三代以上並未前聞也則輪迴之誕亦大章明較著矣

頃之林季緒隨至因問曰釋玄二氏業心知其非矣然就兩者較之亦有彼善于此否先生曰道猶大路焉吾惟率彼正路足耳總左岐右亦岐也安用置較乎

初六日余問先生曰敢問金星天行度距日遲速幾何先生曰金星天行度幾與日同余曰金星旣幾同于日則或在日先或在日後當有一定之位乃考毛詩傳註曰啓明長庚皆金星也乃先日而出復後日而入者云何先生曰曆法古論云五星諸天中各有小球另運動于諸天之内金星天小球約有七十度而金星繫焉若論金星天本行其去日先後宜有一定之位爲小球運動復迴還向日故先日而出亦後日而入耳總金星之向日無論

在先在後。並不出三十三四度之遠。此則其一定不易者也。

余曰。日月二天亦有小球否。先生曰。月天有之。余曰。云何。曰斯另有推算。然卽月蝕亦可知也。蓋凡月之蝕必由地影遮之。而地之影去地近者影必濶。漸遠則漸狹矣。試考兩次月蝕。一所經之影濶。蝕多而復遲者。可見去地漸近。一所經之影狹。蝕少而復速者。可見去地漸遠。夫兩次之蝕。其度同也。乃或與地近。或與地遠。是必有小球。另運行日

天之內耳。

漏近初刻。先生燕坐。余曰。昨所晤翁友。雅有向道之心。然以少年負雋才。恐于第六誠未易守也。標時僭告之。曰。斯亦無所敬畏而然耳。夫懸轂向心者。路有佳冶。雖姪如景陽。弗敢顧也。可見有所惕于前。必不敢肆于後。君思天主尊矣。嚴威之下。蓋無時不監臨也。則邪僻之心。自無從入矣。先生曰。然昔泰西一國王。聞耶穌會中。多少年守童貞者。心慕何脩而得此。時有謬告王曰。是必有妙

劑可以窒慾。王不察爲信然也。廷會長訪之。對曰。有。王請其方。會長曰。惟有常念死候耳。王惕然受教。夫人而常念死候也。其守貞防淫之一劑云。



日鐸日抄卷之二 終

